

Rechitos – Por as planas y as valellas

Por as planas y as valellas
d'ista beroya tierra
de tremoncillo y chinestra
caminaré ta part d'allá
por os polvegosos sasos
por as rallas y as costeras
entre as ontinas y
os sisallos petenaré
me'n iré ta part d'allá

Esnavesaré con Gladys
A Blanca y A Negra
escatizando a memoria
d'os suenios esmicazaus
esbatuquiando o recuerdo
d'as redotas amargas

Leixos d'as brempas grisiscas
d'os monstruos de fierro
que ya no xalaparán
ni a tierra ni o cielo

Esnavesaré con Gladys
A Blanca y A Negra
escatizando a memoria
d'os suenios esmicazaus
esbatuquiando o recuerdo
d'as redotas amargas

Letra: Chabier Crespo
Mosica: Elena Martínez
Guitarra y voz: Elena Martínez
Curdión: Chabier Crespo
Gravau y mezclau per Roberto Montañés en Estudios Eleven



O Zager Chilo III
Asociación Cultural Nogarà – Religada

